



Broj: 027-3/23
Brčko, 30.01.2023. godine

Upravni odbor Razvojno-garantnog fonda Brčko distrikta BiH, na osnovu člana 9. i člana 15. Statuta Razvojno-garantnog fonda Brčko distrikta BiH, broj: 105/10 od 03.08.2010. godine, broj 235-2/12 od 19.10.2012. godine, broj 110-3/18-015-1/19 od 15.01.2019. godine, broj 116-1/19 od 04.07.2019. godine, broj 078-1/21 od 11.03.2021. godine i broj 078-1/21 od 11.03.2021. godine na svojoj 31-oj sjednici, održanoj 30.01.2023. godine, donosi:

O D L U K U

O RASPISIVANJU JAVNOG POZIVA ZA SKLAPANJE UGOVORA O OROČAVANJU SREDSTAVA

Član 1

Raspisuje se Javni poziv za sklapanje ugovora o oročavanju sredstava putem pribavljanja pismenih prijava, radi zaključivanja ugovora o oročavanju sredstava u ukupnom iznosu od 800.000,00 KM (slovima: osamstotinahiljada konvertibilnih maraka), podijeljenog u 4 (četiri) lota (ugovora), na period od 36 (tridesetšest) mjeseci, kako slijedi:

Naziv lota	Iznos pojedinačnog Ugovora po lotovima	
Lot 1.	Ugovor na iznos od	200.000,00 KM
Lot 2.	Ugovor na iznos od	200.000,00 KM
Lot 3.	Ugovor na iznos od	200.000,00 KM
Lot 4.	Ugovor na iznos od	200.000,00 KM

Član 2

S bankama koje ispune uslove iz ovog javnog poziva i budu izabrane, Razvojno-garantni fond Brčko distrikta BiH će zaključiti ugovor o oročavanju sredstava, na period od 36 (tridesetšest) mjeseca.

Član 3

Usluge oročavanja sredstava po javnom pozivu podrazumijevaju:

1. Usluge vođenja oročenog depozita,
2. Obračun nominalne kamatne stope na oročeni depozit na godišnjem nivou,
3. Mjesečnu uplatu kamate na transakcioni račun Razvojno-garantnog fonda Brčko distrikta BiH, bez naknade troškova, u skladu sa instrukcijom koja se mora ispoštovati,
4. Mjesečno slanje kamatnog lista putem pošte ili e-maila.

Član 4

- 1) Banka s kojom se ugovor potpisuje pružat će usluge:
od: dana potpisivanja ugovora, odnosno od datuma prenosa sredstava sa računa Razvojno-garantnog fonda Brčko distrikta BiH na račun Banke;

do: isteka perioda od 36 mjeseca, a od datuma prenosa sredstava sa računa Razvojno-garantnog fonda Brčko distrikta BiH na račun Banke.

- 2) Razvojno-garantni fond Brčko distrikta BiH može izvršiti razročenje oročenih sredstava i prije isteka ugovora, uz obavijest banci na 3 (tri) radna dana prije razročjenja, računajući od dana prijema obavijesti, uz zahtjev banci za uplatu depozita po instrukciji Razvojno-garantnog fonda Brčko distrikta BiH.

Član 5

- 1) Banke mogu dostavljati prijave za jedan lot, nekoliko lotova ili sve lotove, ali se banci može dodijeliti samo jedan lot.
- 2) Lotovi će se dodjeljivati redom, od lota 1 pa nadalje.
- 3) Banka koja dobije lot (ugovor) na jedan iznos, ne učestvuje u daljnjem postupku dodjele lotova.

Član 6

Pravo prijave na Javni poziv imaju sve banke u Bosni i Hercegovini koje ispunjavaju uslove Javnog poziva

Član 7

- 1) Banke trebaju uz ponudu na ovaj javni poziv dostaviti dokaz o registraciji u relevantnim profesionalnim ili drugim registrima u zemlji u kojoj su registrovani, ili dostaviti posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi s predmetom Javnog poziva.
- 2) Za ugovorni organ kao dokaz o registraciji za obavljanje predmetne djelatnosti prihvatljivi su sljedeći dokazi:
 - Rješenje o upisu u sudski registar ili
 - Izvod iz sudskog registra ili
 - Izjava nadležnog organa ili
 - Potvrda izdata od nadležnog organa kojom banka nedvosmisleno dokazuje da je registrovana za obavljanje predmetne djelatnosti.

Član 8

- 1) U svrhu dokazivanja uslova za učešće u Javnom pozivu, banka dužna je dostaviti uvjerenja i to:
 - a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđena:
 - za krivično djelo učešća u kriminalnoj organizaciji,
 - za korupciju,
 - za prevaru ili
 - za pranje novca;
 - b) uvjerenje nadležnog suda ili organa uprave kod kojeg je registrovana banka kojim se potvrđuje:
 - da nije pod stečajem niti je predmet stečajnog postupka,
 - da nije predmet postupka likvidacije, odnosno da nije u postupku obustavljanja poslovne djelatnosti;
 - c) uvjerenja nadležnih institucija kojim se potvrđuje da je banka izmirila dospjele obaveze, a koje se odnose na:
 - doprinose za penzijsko i invalidsko osiguranje i
 - zdravstveno osiguranje;

d) uvjerenja nadležnih institucija da je banka izmirila dospjele obaveze u vezi s plaćanjem:

- direktnih poreza i
- indirektnih poreza

e) Kopiju Revizorskog izvještaja za 2021. godinu, s iskazanim pozitivnim mišljenjem na finansijsko poslovanje (skraćena verzija), ovjerenu od nadležnog organa (općina, notara ili drugih nadležnih organa koji mogu vršiti ovjere dokumentacije), u daljnjem tekstu nadležni organ;

f) Kopiju Finansijskog izvještaja za 2021. godinu s iskazanom dobiti nakon oporezivanja na dan 31. 12. 2021. godine, (bilans stanja, bilans uspjeha, izvještaj o promjenama u kapitalu), ovjerenu od nadležnog organa.

2) U slučaju da banke imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužne su dostaviti potvrdu nadležne institucije/a da banka u predviđenoj dinamici izmiruje svoje reprogramirane obaveze. Ukoliko je banka zaključila sporazum o reprogramu obaveza ili odgođenom plaćanju obaveza i izvršila samo jednu uplatu obaveza, neposredno prije dostave ponude, ne smatra se da u predviđenoj dinamici izvršava svoje obaveze i ta banka neće biti kvalifikovana u ovom postupku Javne nabavke.

3) Banka je dužna dostaviti navedena uvjerenja u originalu ili ovjerenoj kopiji od strane nadležnog organa.

4) Banka je dužna dostaviti ovjerene kopije izvještaja od strane nadležnog organa. Kopije izvještaja ne mogu biti ovjerene od strane banke.

5) Dokumenti ili uvjerenja navedena u članovima 7 i 8, ne smiju biti stariji od **tri mjeseca**, računajući do dana zatvaranja Javnog poziva.

6) Dokazi koji se zahtijevaju moraju biti originali ili kopije ovjerene kod nadležnog organa.

Član 9

Banke su obavezne dostaviti i sljedeću dokumentaciju:

a) ovjerenu fotokopiju **Certifikata o članstvu od Agencije za osiguranje depozita BiH**;

b) ovjerenu izjavu, pod punom materijalnom i krivičnom odgovornošću, o visini neto dobiti nakon oporezivanja sa 31. 12. 2021. godine;

c) ovjerenu izjavu banke da prihvata uslov da je ponuđena godišnja kamatna stopa od strane Banke za svaki ugovor fiksna bez obzira na mogućnost prijevremenog razročenja oročenog depozita;

d) popunjen, od ovlaštenog lica potpisan i ovjeren „obrazac za visinu kamatne stope iz ponude, po uslovima Javnog poziva”.

e) ovjerenu izjavu, pod punom materijalnom i krivičnom odgovornošću, o prihvatanju nacrtu ugovora o **oročenom depozitu u konvertibilnim markama**.

Član 10

1) Nakon ispunjavanja svih gore navedenih uslova osnovni kriterij za dodjelu ugovora za oročavanje slobodnih novčanih sredstava jeste visina godišnje kamatne stope na oročena sredstva.

2) U slučaju da dvije ili više banaka za isti lot ponude godišnju kamatnu stopu u istoj visini, ugovor će se dodijeliti onoj banci koja ima iskazanu veću neto dobit.

Član 11

(1) Pristigle ponude razmatra Razvojno-garantni fond Brčko distrikta BiH, sačinjava zapisnik, te u skladu sa kriterijima dodjeljivanja ugovora, vrši ocjenu ponuda, te predlaže Upravnom odboru Odluke o dodjeli ugovora za oročenje.

(2) O rezultatima ocjene banke će biti obavještene najkasnije u roku od 15 (petnaest) dana od dana zatvaranja javnog poziva.

(3) Nakon obavještavanja, banke imaju pravo prigovora na donešenu odluku Razvojno-garantnom fondu Brčko distrikt BiH u roku od 5 (pet) dana, od dana prijema obavještenja. Razvojno-garantnom fondu Brčko distrikt BiH će u roku od 5 (pet) dana razmotriti navode prigovora, te ispraviti eventualno uočene propuste i donijeti novu odluku o dodjeli ugovora o čemu će obavijestiti sve banke koje su dostavile ponudu. U slučaju da navodi prigovora budu ocijenjeni kao neosnovani, Razvojno-garantnom fondu Brčko distrikt BiH će o navedenom obrazloženo obavijestiti podnosioca prigovora.

Član 12

(1) Razvojno-garantni fond Brčko distrikta BiH zaključuje ugovor s bankom čija je ponuda odabrana kao najbolja (za dati lot).

(2) Ugovor o oročavanju slobodnih novčanih sredstava sa Bankom će se zaključiti u roku od 15 (petnaest) dana od datuma donošenja odluke o dodjeli ugovora.

Član 13

Ponuda se dostavlja na jednom od službenih jezika u Bosni i Hercegovini, na latiničnom ili ćirilničnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Član 14

1) Javni poziv bit će objavljen na web stranici: www.rgfbd.com i na oglasnoj tabli Razvojno-garantnog fonda Brčko distrikta BiH.

2) Javni poziv ostaje otvoren 20 dana od dana objavljivanja.

Član 15

Za realizaciju odluke zadužuje se Direktor Razvojno-garantnog fonda Brčko distrikta BiH.

Član 16

Ova odluka stupa na snagu danom donošenja.

Dostavljeno:

1. Pravobranilaštvu Brčko distrikta BiH,
2. Evidencija,
3. Arhiva.

Predsjednik
Upravnog odbora:

Zumka Grabus, prof.

